

Hasil Pembelajaran

Selepas mempelajari bab ini, pelajar dapat:

- 1. Menerangkan hubung kait antara pembangunan ekonomi dengan hubungan etnik di Malaysia.
- 2. Menghuraikan dasar-dasar pembangunan ekonomi yang berkaitan dengan persoalan pertumbuhan ekonomi dan agihan di Malaysia.
- 3. Menganalisis interaksi antara globalisasi dengan dasar berkaitan pertumbuhan dan agihan di Malaysia.

- Dalam sebuah negara yang masyarakatnya terdiri daripada pelbagai etnik, budaya dan agama seperti di Malaysia, persoalan perpaduan dalam masyarakat merupakan persoalan yang penting.
- Negara yang tidak stabil sosiopolitiknya mempunyai kesan negatif terhadap tingkat pelaburan dalam negara tersebut.
- Kemerosotan pelaburan akan memberi implikasi negatif ke atas pertumbuhan dan pembangunan ekonomi.
- pertumbuhan dan pembangunan ekonomi amat berkait rapat dengan kestabilan sosiopolitik dalam sesebuah negara.

- Di Malaysia, falsafah yang menjadi panduan kerajaan dalam mencapai perpaduan masyarakat ialah “pertumbuhan dengan agihan”.
- Falsafah ini dijadikan panduan dalam Dasar Ekonomi Baru (1971-1990) dan matlamat teras serampang dua mata, iaitu membasmi kemiskinan dan menstruktur masyarakat diteruskan dan dikekalkan dalam dasar-dasar pembangunan negara yang terkemudian iaitu Dasar Pembangunan Nasional (1991-2000) dan Dasar Wawasan Nasional (2001-2010).

BAB 3

Limpahan Kemakmuran Merentasi Etnik

Isu Sosioekonomi pada Awal Kemerdekaan

- Terdapat hubung kait antara kemiskinan dengan kumpulan etnik tertentu.
- Isi rumah miskin adalah dalam **kalangan etnik Melayu**.
- Luar bandar mencatatkan kadar kemiskinan yang tinggi yang juga majoriti etnik Melayu.
- Oleh sebab majoriti penduduk luar bandar adalah juga etnik Melayu, maka **masalah kemiskinan dilihat sebagai masalah etnik Melayu**.
- Ketakseimbangan kekayaan dan ketidakseimbangan guna tenaga dan pekerjaan.
- Etnik Cina dan India kebanyakannya bergiat dalam sektor kedua, iaitu **perlombongan, pembuatan, pembinaan, utiliti dan pengangkutan** dan ketiga, iaitu **perdagangan borong dan runcit, kewangan, perkhidmatan awam dan lain-lain**.
- Pekerjaan dalam kategori profesional, teknikal, pengurusan dan jualan didominasi oleh etnik Cina, manakala etnik Melayu kebanyakannya bekerja sebagai petani dan pekebun kecil.

- Oleh yang demikian, pada awal kemerdekaan negara, isu kemiskinan dan agihan kekayaan negara merupakan isu yang penting.
- Namun, isu ini sebenarnya tidak ada kaitan dengan etnik seseorang. Seseorang itu miskin bukanlah disebabkan etniknya, tetapi disebabkan faktor-faktor lain yang mungkin menyumbang kepada keadaan tersebut.
- Sebagai contoh, seseorang itu boleh jadi akan hidup dalam kemiskinan apabila dia tidak mempunyai pendidikan dan kemahiran, tidak memiliki modal atau tanah, ataupun dia merupakan orang kurang upaya.

DASAR EKONOMI BARU

- Tindakan kerajaan dalam memperbaiki kedudukan ekonomi selepas tragedi 13 Mei 1969 adalah berdasarkan strategi ke arah pembentukan perpaduan nasional.
- Memperbanyakkan pembasmian kemiskinan dengan **meningkatkan pendapatan dan peluang pekerjaan bagi seluruh rakyat Malaysia tanpa mengira kaum.**
- Sasaran ini dapat dicapai melalui program-program yang dirancang daripada seluruh peringkat produktiviti. Perkembangan peluang-peluang antara sektor dan aktiviti yang **mempunyai produktiviti yang rendah ke peringkat yang lebih tinggi.**
- Peruntukan yang lebih meluas terutamanya dalam perkhidmatan sosial dirancang untuk meningkatkan taraf hidup kumpulan-kumpulan yang berpendapatan rendah.

- Penggandaan proses penyusunan semula masyarakat Melayu untuk membetulkan ketidakseimbangan ekonomi dengan harapan mengurang dan mengetepikan pengenalan etnik melalui fungsi ekonomi.
- Program-program termasuklah **pemodenan kehidupan luar bandar, pembangunan aktiviti bandar yang pesat dan seimbang, penubuhan pusat pertumbuhan yang baru dan perwujudan masyarakat industri dan komersial** Melayu di semua kategori dan bumiputera lain menjadi rakan kongsi sepenuhnya dalam semua aspek ekonomi negara

Dasar Ekonomi Baru

Terdapat dua objektif khusus DEB.

- i. Pertama, untuk **mengurangkan kemiskinan** melalui peningkatan pendapatan dan **membuka peluang pekerjaan** kepada rakyat tanpa mengira etnik.
- ii. Kedua, untuk **menyusun semula masyarakat** supaya pengenalan kumpulan etnik dengan fungsi ekonomi dapat dihapuskan.



1. Langkah mengurangi kemiskinan terkandung dalam tiga strategi utama

- i. Meningkatkan kualiti hidup golongan miskin dengan menyediakan **perkhidmatan sosial** kepada mereka seperti **perumahan, kesihatan, pendidikan dan utiliti**.
- ii. Meningkatkan pendapatan dan produktiviti golongan miskin dengan pemberian bantuan **modal, teknologi, pemasaran dan latihan** untuk meningkatkan **kemahiran** mereka.
- iii. Membuka lebih banyak **peluang pekerjaan** bagi membolehkan mobiliti golongan miskin untuk keluar daripada sektor produktiviti rendah kepada sektor produktiviti tinggi.

2. DEB menyasarkan penyusunan semula masyarakat kepada tiga peringkat.

- i. Meningkatkan bahagian bumiputera dalam guna tenaga di **sektor ekonomi moden**.
 - ii. Meningkatkan bahagian bumiputera dalam **pemilikan saham korporat**. Industrial Coordination Act (ICA) pada tahun 1975 diperkenalkan. Tujuan memperkenalkan ICA adalah untuk mewujudkan penstrukturan ekuiti dan pemilikan berdasarkan formula pembahagian 30:30:40, iaitu 30 peratus peruntukan kepada bumiputera Melayu, 30 peratus oleh bangsa asing manakala 40 peratus dimiliki oleh etnik Cina.}
 - iii. Meningkatkan **bilangan usahawan bumiputera dan penguasaan bumiputera dalam pengurusan korporat**.
- ❖ Corak guna tenaga dalam sesebuah syarikat juga dikehendaki mencerminkan komposisi rakyat di negara ini.



Kejayaan DEB

- Perkara yang penting dalam falsafah pertumbuhan dan agihan secara umumnya memperlihatkan DEB telah berjaya **meningkatkan penyertaan bumiputera dalam pekerjaan di bandar, melahirkan golongan profesional dan kelas menengah bumiputera serta melahirkan golongan pemodal bumiputera.**
- Begitu juga dalam kalangan etnik Cina, namun dapat diperhatikan bahawa bahagian pemilikan etnik Cina adalah meningkat, iaitu jumlahnya menghampiri separuh daripada nilai keseluruhan pemilikan ekuiti nasional.
- Dalam meneliti falsafah di sebalik DEB, sebenarnya ia merupakan situasi menang-menang yang memperlihatkan masyarakat bukan bumiputera khususnya etnik Cina juga menerima “limpahan kemakmuran” daripada dasar kerajaan.

Kejayaan Ekonomi Malaysia

- Pengkaji dan pemerhati pembangunan ekonomi Malaysia mengungkapkan pandangan yang begitu positif atas kejayaan ekonomi Malaysia ini.
- Sebagai contoh, Bank Dunia mengiktiraf ekonomi Malaysia sebagai salah satu negara yang tergolong dalam “keajaiban ekonomi Asia Timur” (World Bank 1993).
- Snodgrass (1995) mengatakan ekonomi Malaysia merupakan kejayaan pembangunan ekonomi dalam masyarakat multietnik.

Pertumbuhan dan Perubahan Struktur Ekonomi yang Pesat

- Pertumbuhan pesat ekonomi Malaysia juga telah membolehkan pendapatan per kapita meningkat.

Pembangunan Manusia dan Pengurangan Kadar Kemiskinan

- Kadar kemiskinan di Malaysia berjaya dikurangkan.
- Bilangan isi rumah miskin berjaya dikurangkan.
- Kemiskinan tegar juga berjaya dikurangkan.

Kejayaan Ekonomi Malaysia

Kualiti Hidup yang Meningkat

- Pertumbuhan dan **peningkatan pendapatan** yang agak tinggi semenjak empat dekad yang lalu menyebabkan kualiti hidup rakyat Malaysia telah meningkat.
- Hal ini dapat dilihat dari **aspek kesihatan** seperti jangka hayat yang semakin meningkat, kadar kematian bayi dan kadar kematian yang semakin rendah.
- Begitu juga jika dilihat dari **aspek pendidikan, pemilikan barang-barang keperluan asas dan penyediaan infrastruktur seperti jalan raya.**

Isu dan Cabaran DEB

Ketaksamarataan Pendapatan yang Semakin Melebar

- Jurang pendapatan antara yang kaya dengan yang miskin semakin melebar semula.
- Ketaksamarataan agihan pendapatan dalam kalangan etnik Melayu, Cina dan India semakin melebar.
- Walaupun pendapatan isi rumah di bandar dan di luar bandar telah meningkat, kadar peningkatan pendapatan tersebut adalah lebih tinggi di bandar berbanding dengan di luar bandar.

Pertumbuhan Atau Agihan?

- Bagi mengatasi beban kewangan yang dihadapi kerajaan dan memastikan ekonomi negara terus berkembang, kerajaan telah melaksanakan **liberalisasi ekonomi dengan program penswastaan**.
- Dasar penswastaan yang mula diperkenalkan pada tahun 1983, melibatkan pemindahan **perkhidmatan atau perusahaan milik awam kepada sektor swasta**.

Antara tujuan dasar penswastaan adalah untuk:

- **Mengurangkan beban kewangan** dan pentadbiran kerajaan
- **Meningkatkan persaingan**, memperbaiki kecekapan dan menambah produktiviti
- **Merangsang pelaburan** dan keusahawanan persendirian
- Mengurangkan **bilangan dan saiz sektor awam**
- Membantu pencapaian **matlamat DEB**

Kesimpulan

- Oleh itu, pertumbuhan dan pembangunan ekonomi amat berkait rapat dengan kestabilan sosiopolitik dalam sesebuah negara.
- Bagaimanapun, dalam usaha mencapai keharmonian hidup antara pelbagai etnik dan kestabilan politik, kekayaan negara perlu diagihkan secara adil dan saksama.
- Tujuannya adalah untuk mengelakkan mana-mana kumpulan etnik berasa terpinggir daripada menikmati faedah pembangunan yang dapat menimbulkan masalah ketegangan dan konflik dalam masyarakat.

Contoh soalan E-assessment

- Berikan **DUA** pendapat bagaimana kejayaan ekonomi dapat mengeratkan HE?
- Jelaskan dengan ringkas **DUA** pendapat bahawa Malaysia telah mencapai kesepaduan kaum dengan dasar-dasar yang diambil oleh kerajaan Malaysia.